

欽定字惠全書

孚惠全書卷二十七

偏隅賑借一

雍正十三年九月初八日奉

上諭甘省百姓連年輓運軍需荷蒙

皇考聖恩將該省應徵錢糧連年蠲免其本年錢糧亦欽奉

皇考諭旨全行蠲免今朕聞該省之蘭州西固廳及平涼府固原州環縣諸處收成較薄百姓艱苦朕心深為軫念著傳諭該督撫等於蠲免額糧之外加意撫綏作何賑恤之法務使之食窮民均霽實惠

十二月十三日奉

上諭朕前聞淮分司所屬廟灣新興臨興白駒劉莊伍祐等六場今歲秋收歉薄恐竈戶煎丁有貧苦乏食者已曾於高斌奏事摺內諭令加意賑恤毋令失所今思冬春寒冷之際及明歲青黃不接之時貧竈餬口維艱不可不豫為籌畫著該鹽政高斌會同總督趙宏恩將乏食竈戶煎丁遵照民賑之例一體加恩務令均霑膏惠不許胥役地棍等侵蝕中飽

乾隆元年六月初五日奉

上諭朕聞本年四月間江南徐州府蕭縣地方因上游祝家水口潰決黃水漫溢以致蕭邑民田被淹南北約長四十餘里東西二十餘里二麥未收

秋禾亦被淹浸窮民失業朕心深為軫念著該督撫委員確查速行賑濟毋令災民失所其積水作何宣洩之處會同河道總督速議辦理毋得稽遲

十月初七日奉

上諭今歲江南夏秋之間天雨連綿淮揚一帶各州縣低窪田畝有被水淹漫者朕恐窮民失所已諭令督撫等加意賑恤俾獲安居今思此等百姓若於冬春之交再令傭工以資力作更為有濟查宿遷桃源清河安東以及高郵寶應等州縣均有應行挑濬之河道其安東舊鹽河約估需銀二萬二千餘兩宿桃清高寶等工約估需銀十二萬餘兩著於今冬明春次第興工即令僱募民夫及時

挑濬則於緊要河道既得深通而寓賑於工窮黎更得藉以養贍於地方民生大有裨益

乾隆二年正月二十一日奉

上諭上年滇省有收成歉薄之州縣米價昂貴民食維艱朕已屢次批諭該督尹繼善等悉心籌畫賑濟貧民並撥運隣米平糶倉穀多方調劑俾歉收地方均不致乏食諒該督等自能仰體朕心經理妥協登斯民於衽席今思青黃不接之時籌畫更為緊要滇南離京甚遠若有應行辦理之處必待具奏奉旨之後方始舉行未免稽延時日著該部即速行文與尹繼善等令其就近酌量將實有裨益貧民者一面奏聞一面即行辦理毋使一夫

失所

七月初二日奉

上諭近因雨水過多聞渾河水發蘆溝橋及長新店良鄉一帶民房有被水淹浸坍塌之處著派侍衛塞楞戶部郎中赫赫前往蘆溝橋長新店一帶再派侍衛五十七戶部員外卓來前往良鄉一帶會同地方官詳細查勘各帶庫銀二千兩查有被水窮民房屋傾圮者即行賞給安頓毋使失所

初二日奉

上諭近日雨水連綿京地旗民中有家計貧乏房屋傾圮不能修葺者著步軍統領鄂善查明具奏

十二日奉

上諭前因畿輔地方被水特命策楞等前往賑恤居民其各營汛防被水兵丁據策楞等議稱兵丁領受餉銀其房屋亦係官給不應在賑恤之內朕思兵力均屬一體此番被水室廬坍塌妻子無依情殊可憫應每名量行賞銀二三兩為目前養贍以待官蓋營房即傳諭六路賑恤之官員等酌量輕重作速妥協辦理

八月初十日奉

上諭朕聞江南碭山縣段家莊大壩以外一帶河灘因黃河水勢漫溢約長四十餘里寬五六里十里不等居民廬舍被淹田禾受傷不能收穫祇因該縣秋成豐稔不過一隅被災又係隄外河灘是

以地方官未經申報朕愛養黎元惟恐一夫不獲其所今此被水民人棲身無所鋤口無資深可軫念著該督撫卽飭地方有司迅速查明撫綏賑恤務使登之衽席毋得以漫灘被水乃事勢之常稍有忽視

九月初三日奉

上諭據大學士管川陝總督事務查郎阿奏稱陝西西安等府今年夏秋雨澤稀少米糧價值漸次昂貴幸於七月二十七八等日得雨需足民心慰悅不意八月初一日以後晝夜淫雨河水泛溢咸寧長安臨潼等縣被水村莊田廬淹沒人口亦傷數名現在飛飭西安布政使查明賑恤等語西安

等屬從前雨澤愆期朕恐民食維艱已諭令該撫等豫為籌畫今咸寧等處又因雨多苦潦邨舍被淹朕心深為軫念著巡撫崔紀遴委賢員逐一查勘撫綏安插俾有屋可以棲身有糧可以餬口無使一夫失所其收成歉薄之地方本年應納錢糧或應緩徵或應蠲免亦著確查定議具奏

初十日奉

上諭今歲直隸山東有被水之州縣民食艱難朕已屢降諭旨多方籌畫務使閭閻不致失所其勘明之州縣該督撫等自當督率有司蠲賑兼施悉心經理而勘不成災之地方舊無蠲賑之例但彼地二麥既旱秋成又薄難保貧民無乏食之虞亦

當酌量加恩以資力作或應貸以社倉穀石或應
借給籽種銀兩著直隸總督山東巡撫轉飭該地
方官體訪詳確實力奉行毋得視為故事

十二日奉

上諭朕前聞山右地方有秋禾被旱之處米價騰
貴民食維艱已諭令該撫加意賑恤今據奏稱現
在委員查勘辦理散賑等語但被災州縣恐不止
此賑災關係民生必須周詳迅速方有裨益絲毫
不可輕忽著侍郎孫國璽速行前往會同巡撫石
麟督率所屬官員實心經理務使貧民均霑實惠
毋使一夫失所如有州縣官匿災不報賑濟不周
者即行嚴叅倘不實心辦理經朕訪聞或科道官

叅奏必將孫國璽石麟從重治罪其平糶緩徵蠲免各事宜該撫照例速議奏聞請旨該部知道

十四日奉

上諭據福建總督郝玉麟奏稱福州地方於八月十五夜颱風忽作甚為狂烈省城兵屋民房多被吹倒亦有壓傷人口者沿河沿海之商民船隻亦多撞損飄沒現在飭查分別賑卹等語今年六月間閩省雨水過多州縣有被水之處已諭令該督撫加意撫綏資其困乏繼聞水勢消落甚速貧民已獲寧居其他未淹地方禾稼茂盛朕懷稍慰今聞福州一帶又有颱風之災廬舍舟船多有損傷朕心深為軫念著該督撫轉飭有司速行確查安

插賑濟務使被災兵民各得棲止不致一夫失所

二十三日奉

上諭前聞陝西西安等處夏秋雨少糧價昂貴七月間雖得雨需足又以河水漲溢民間田廬有淹浸之患朕心軫念已屢降諭旨著該撫遴委賢員查勘撫綏悉心籌畫毋使一夫失所今聞西安地方草束短少秋冬之際芻麥尚可支持明年正二三月則草價更昂將軍標下兵丁額領之銀不敷喂馬之用未免拮据著將春季三個月駐防兵丁所有草價加增一倍賞給一文四月青草發生仍照舊例支領至督撫標下牧馬草價應否酌添之處著該督撫妥議具奏

閏九月二十五日奉

上諭今年陝西西安一帶地方收成歉薄糧豆價
貴而草價更屬高昂將軍標下兵丁額領之銀不
敷喂馬之用已降諭旨將明春三個月草價應否
酌添之處妥議具奏今思陝省駐城八旗三標官
兵馬匹所有米豆二項俱領折支之價自行採買
今年價值昂貴兵丁購買未免艱難除從前已經
支給者無庸加增外著將現有應折米支米豆照
原定每石一兩之價加添銀五錢俾兵丁等力量
寬餘不致有添價採辦之苦此朕格外加恩後不
為例

十月初十日奉

上諭昨據孫國璽石麟等奏稱晉省被災五州縣
請銀米兼賑隨經部駁令其動撥鄰縣穀石分別
散給如不得已而銀米兼賑令該撫等酌定價值
報部已降旨允行朕思積貯之設所以裕民食也
當荒歉之歲地方米穀必致缺乏發粟散賑既可
令無食貧民藉以餬口而奸商之囤積者亦不得
借以居奇此救荒之常理也且米石出入衆目共
覩上司亦易於稽查若以銀分給殊非周濟民食
之本義而貪官猾吏浮冒侵蝕更弊端百出矣但
恐晉省倉糧平日原本必充裕而今年被災之處
或尚不止五州縣倘或倉儲無幾輓運需時則災
民之迫不及待者不得即需升斗又非朕軫恤窮

民之至意用是再頒諭旨著孫國璽石麟等詳查
地方實在情形如果隣邑米多易運即照議撥若
糧少運難者暫行銀米兼賑酌定價值報部一面
辦理一面奏聞總在多方稽察務使官吏無所容
奸窮黎均霑實惠

二十日奉

上諭前據孫國璽石麟奏稱晉省被災州縣懇請
銀米兼賑朕以賑濟之道在於發粟若以銀分給
恐官吏易生弊端難以查察應詳酌地方情形如
果鄰邑米多易運仍令撥給穀石以濟民食若糧
少難運暫行銀米兼賑之法已於本月初十日降
旨孫國璽石麟矣今據孫國璽石麟會奏晉省數

州縣今年被旱乃一隅偏災方今收穫已畢所在
村莊市集皆有粟米雜糧販賣貧民咸稱雜糧之
價較減而食之易飽情願半折領銀俾得兼買攬
和更可節省至於散賑之法現委道員督率辦理
不敢有侵蝕冒銷之弊查晉省倉儲雖數撥用然
乘此雜糧湊集之時散銀糶買而留有用之儲於
明年青黃不接之時為借糶之用於小民實有裨
益等語孫國璽石麟身在晉省目覩地方情形既
稱銀米兼賑於窮民有益即照所奏行但拯災卹
困乃國家第一要務倘司其事者經理不善查察
不周或致不肖官吏侵蝕中飽使恩澤不能下逮
則欽差大臣該省督撫難辭其咎朕必嚴加處分

乾隆三年四月二十二日奉

上諭各省所有學田銀糧原為給散各學廩生貧生之用但為數無多或地方偶遇歉年貧生不能自給往往不免饑餒深可憫念朕思伊等身列膠庠自不便令有司與貧民一例散賑嗣後凡遇地方賑貸之時著該督撫學政飭令教官將貧生等名籍開送地方官核實詳報視人數多寡即於存公項內量撥銀米移交本學教官均勻散給資其贍粥如教官開報不實給散不均及為吏胥中飽者交該督撫學政稽察即以不職叅治至各省學租務須通融散給極貧次貧生員俾需實惠此朕體恤生員之意若生員等不知感激自愛因此而